


Háteigur



19. árgangur 10. tbl.

8. desember 2015

Gleðileg jól!

<http://hateigsskoli.is>

Frá skólustjóra

Ágætu lesendur

Jólin koma, þau koma hvað sem hver segir og hafa komið alla mína tíð. Þau koma og hafa áhrif um alla jörð. Sumstaðar koma þau þar sem snjór er yfir og annars staðar þar sem sólin skín. Okkur hér á eyjunni í Atlantshafinu finnst sérstök tilhugsun að til séu staðir þar sem sólin skín daglangt á skreytt jólatré um jólin. Við viljum hafa snjó og myrkur og helst þarf snjórinn að skreyta landslag og hús með mjúkum línunum. Kuldinn þarf að vera hæfilegur þannig að myndirnar haldist og okkur á sjálfum að líða vel innandyrar þar sem er hlýtt og nóg af mat.

Við eigum að hugsa til þeirra sem minna mega sín um jólin því að það er boðskapur jólaanna sem allir geta tekið undir hvort sem þeir fylgja einhverri trú eða ekki. Myndirnar sem sækja á hugann og vitundin um hlutverk og hugarfar tengt jölunum skipta miklu máli. Jólin eru ekki myndir og hlutir, þau eru fyrst og fremst hugarfar, vinarþel, ást og kærleikur. Við megum ekki gleyma hvað hver stund er dýrmæt og muna að heimurinn er brothættur.

Ég man jól þar sem ilmur af eplum var hluti af jölunum. Þá voru ekki epli allt árið. Þá voru rauðu „delisius“ eplin komin og kölluð jólaepli í útvarpsauglýsingum. Ég man eftir því á fyrstu árum mínum í barnaskóla, eins og maður hefði sagt þá, að við fengum jólapakka frá Rauða krossinum. Í pakkanum voru litlir hlutir sem komust fyrir í kassa sem var á stærð við pennastokk og ef einhver veit ekki hvað það er, má „gúggla“. Það gladdi okkur krakkana en mörg okkur hugsuðu hvers vegna væri verið að gefa okkur sem áttum nóg en þetta var upp úr 1960. Kannski voru þetta afgangar af gömlum jólagjöfum og ef til vill voru einhverjir í skólanum þá sem ekki fengu jólagjafir.

Börnin í Háteigsskóla og foreldrar þeirra hugsuðu til þeirra sem minna mega sín á aðventunni og sýndu hinn sanna jólaanda. Safnað var leikföngum fyrir flóttamenn og stjórnaði skólafélagsráðgjafi söfnuninni hér fyrir hönd UNICEF og Rauða krossins. Það safnaðist í 15 svarta poka og einnig var nokkuð af leikföngum í kössum. Hugmyndin um gjöf er hluti af jólaboðskap kristinna manna

og nokkuð sem fleiri stunda en kristnir menn til að sýna vináttu, vinskapi og hlýju. Ég vil þakka þeim fjölmörgu sem tóku þátt í söfnuninni fyrir gjafmildi og þá notalegu jólatilfinningu sem ég fékk þegar ég heyrði af því hversu vel söfnunin gekk. Ég veit líka að margir fá notalega tilfinningu við að heyra af þessu.

Mig langar til að segja ykkur frá tveimur minningum til viðbótar þeim, sem ég hef þegar gefið, úr Barnaskóla Austurbæjar. Önnur var þegar skólustjórinn sagði okkur frá því að Jóhannes úr Kötlum sæti með okkur og fylgdist með jólaleiksýningum í bíósalnum og öll þrúðbúnu börnin litu við til að horfa á hann þar sem hann sat efst og aftast til vinstri. Jóhannes hefur gefið okkur Íslendingum mikið með skáldskap sínum um jólin. Hin minningin er sú þegar ég lék á leiksviðinu í skólanum fátækan dreng sem aðeins hafði fengið vasaklút í jólagjöf. Ég sat þarna í sparifötunum og braut saman rauðan vasaklút með svörtum doppum ásamt öðrum dreng sem sat á móti mér á meðan bekkjarsystir las ljóð sem sagði söguna um drenginn og vasaklútin.

Ég óska öllum farsældar og notalegra minninga um jólin. Sjáumst hress á nýju ári þriðjudaginn 5. janúar.

Gleðileg jól.

Ásgeir Beinteinsson,
skólustjóri Háteigsskóla

Jólamyndir


Nemendur 1. bekkjar
sáu um myndskreytinguna í
þessu blaði.

Eyrún fiðluleikari

Einu sinni var fiðluleikari, en það var Eyrún. Hún var góður fiðluleikari, en hún var stressuð í dag því að hún var að leika á fiðluna með hljómsveitinni. Tónleikarnir gengur vel og það var mikið stuð og allir klöppuðu fyrir Eyrúnu. Eyrún var ekki lengur stressuð.



Ragneiður Björt Þórarinsdóttir, 2. bekk



Töfrahús

Einu sinni var stelpa sem sá húsið og það var í mörgum litum. Þetta var töfrahús.

Nína Jara Stephensd. Roberts, 2. bekk

Julefrokost í Háteigsskóla

Það er hefð fyrir því í Háteigsskóla að 10. bekkur blási til veislu að dönskum sið rétt fyrir jólin og bjóði foreldrum /forráðamönnum og öðrum ættingjum. Í slíkum "julefrokost" bjóða nemendur upp á allar þær helstu kræsingar sem eru á borðum Dana fyrir jólin, svo sem síld, kjötbollur, lifrakæfu o.fl. og einnig eru skemmtiatriði frá nemendum, en allt fer fram á dönsku.

Nemendur sjá um mestallan undirbúning og það er því þeirra að gera "julefrokost" eftirminnilegt. Foreldrar aðstoða líka við undirbúning sem fer að mestu leyti fram utan skólatíma. Um leið er veislan fjáröflun fyrir vorferð 10. bekkjar, því selt er inn.

Veislan var svo haldin laugardaginn 5. desember. Aðsókn var ljómandi góð og öllu gerð góð skil og nemendur til algjörar fyrirmyndar.


Í lok veislu ákváðu nemendur að gefa afgangana og var því farið með þrjá fulla kassa af mat í Kvennaathvarfið. Íbúar þar báðu fyrir góða kveðju og bestu þakkir til allra.

Foreldrum er þakkað innilega fyrir hjálpina við gera þennan viðburð mögulegan með því að aðstoða við að útvega matvæli og vinninga og svo tiltektina eftir herlegheitin. Öllum styrktaraðilum er einnig þakkað kærlega fyrir.

Vonandi hafa gestir notið dagsins, fengið gott að borða, skemmt sér vel og fengið smá innsýn inn í danska menningu.

Jólaakveðja,


Erla Súsanna og Anna María,
umsjónarkennarar.



Hangikjöt

Þrátt fyrir versnandi fjárhagsstöðu skólans, tókst okkur að halda þeirri hefð að bjóða foreldrum í skólann til að borða hangikjöt með börnum sínum. Þetta tókst með dyggum stuðningi foreldrafélags skólans og einnig með því að takmarka boð hvers barns við eitt foreldri.

Hangikjötsboðið var dagana 2. – 4. desember og fengum við góðan stuðning foreldranna við afgreiðsluna. Við þökkum Foreldrafélagi Háteigsskóla innilega fyrir þeirra framlag.




Í húsdýragarðinum

Ég fór í húsdýragarðinn og ég fór í fallturninn. Það var gaman. Ég fór með Birnu og Árna.

Snædís Eir Ingimarsdóttir, 2. bekk

Jólasaga

Það var fjórði í aðventu og jólin voru handan við hornið. Í lítilli götu var stórt og fallett hús. Í húsinu bjuggu tveir krakkar sem voru með foreldrum sínum. Þessir tveir krakkar hétu Kristján og Tinna. Fjölskyldan hafði verið að undirbúa jólin í fjórar vikur og loksins er að koma að jólinum. Krakkarnir voru mjög spenntir fyrir jólin. Þeir voru báðir búnir að óska sér einnar



gjafar. Ósk Kristjáns var að fá snjóbretti. Ósk Tinnu var lítill hvolpur. Næsta dag komu jólin. Krakkarnir vöknðu mjög hressir og glaðir. Þegar þeir sáu pakkana þá urðu þeir mjög glaðir. Svo fór að líða að kvöld. Í kvöldmat var kalkúnn og jólaöl og í eftirrétt var súkkulaðibúðingur sem mamma þeirra hafði búið til. Og nú kom að pökkunum. Börnin höfðu beðið allan liðlangan daginn og loks var stundin runnin upp. Kristján fékk spil,

tússliti, lampa og súkkulaðistykki frá frænku sinni í Noregi og hann fékk mikið meira sem ekki þarf að nefna. Tinna fékk liti, spil, litabók og mikið meira sem ekki þarf að nefna. Þá voru bara pabba og mömmu þakkar eftir, en það var bara einn pakki undir jólatrénu. Hann var til Kristjáns. Hann opnaði pakkann og það var snjóbretti alveg eins og hann hafði óskað sér. Hann knúsaði mömmu sína og pabba, en Tinna sá engan pakka handa sér. Skyndilega heyrði hún lítið gelt og þá sá hún að pabbi hennar hélt á litlum hvolp og var að afhenda henni hann. Þá hljóp hún til þeirra og knúsaði þau og tók hvolpinn sinn.



Krakkarnir myndu alveg vilja hafa næstu jól svona skemmtileg.

Elísabet Lilja Grettisdóttir, 4. bekk

Grýlusaga

Grýla er mamma íslensku jólasveinanna þrettán. Hún er vond og ljót. Í gamla daga tók hún óþekk börn og setti þau ofan í pott og borðaði þau í heilum bita. En ekkert hefur hún fengið að borða. Í fyrsta sinn sagði Leppalúði að hún væri ljót. Hún grét í fyrsta sinn á ævi sinni. Hún ákvað að gera sig sæta.


Grýla fór í megrun, litaði á sér hárið, vörturnar voru skornar burt og hún fékk nýjar tennur. Grýla var rík og fræg. En hún var leið.

Ísabella Lind Róbertsdóttir, 4. bekk




Stelpan og hesturinn

Einu sinni var stelpa sem átti hest sem var skemmtilegur og flottur. Hún var alltaf að leika við hestinn. Karen Ólöf Gísladóttir, 2. bekk



Verum ástfangin af lífinu

10. bekkur fékk heimsókn frá Þorgrími Þráinssyni sem var með fyrirlesturinn „Verum ástfangin af lífinu.“ Þar talaði hann um að setja sér markmið í lífinu og láta drauma sína rætast. Það gerist m.a. með réttu hugarfari og dugnaði. Einnig skiptir miklu máli að einstaklingur rækti með sér jafnvægi á milli vinnu, fjölskyldu og áhugamála.



Stelpan sem trúði ekki á jólasveininn

Einu sinni var lítil stelpa sem hét Harpa. Hún trúði ekki á jólasveinar væru til. Hún var svo viss um að mamma sín og pabbi settu gjafir í skóinn hennar. En um nóttina, 11. desember, setti hún skóinn út í glugga. Þessa nótt vaknaði hún við skrítið hljóð, eins og einhver væri að reyna að troða sér inn um gluggann. Hún leit að glugganum og sá feitan


karl með poka á bakinu. Hún hélt að þetta væri innbrotspjófur en leit betur og sá að hann var með rauða húfu með hvítum dúski. Feiti karlinn í rauðu fötunum preifaði á glugganum í leit að smákökum. Harpa sá að hann var í jólasveinabúningi og hélt að þarna væri pabbi hennar á ferð. Hún fór að skellihlæja og sagði: „Ha, ha, ha, pabbi!“ En maðurinn horfði forviða á Hörpu. Hún vildi ekki trú á því að þetta væri jólasveinn. „Hver heldur þú að ég sé? Ég er jólasveinninn.“ Þá leið yfir Hörpu. Þá vaknaði hún í rúminu sínu og fattaði að þetta var bara DRAUMUR.

Sóllilja Björt Eiríksdóttir, 5. bekk



Haustið

Haustið tekur við af sumrinu, trén fella lauf. Fegurðin er mikil, náttúran skartar sínu fegursta. Fallegt er haustið. Aron Kristinn Ágústsson, 9. bekk



Höfundar í heimsókn

Margir góðir höfundar hafa heimsótt okkur undanfarnar vikur. Gunnar Theodór Eggertsson kom og las fyrir nemendur í 6. – 8. bekk. Gunnar Theodór fékk íslensku barnabóka-verðlaunin fyrir bókina Steindýrin 2008. Nú las hann upp úr bókinni „Drauga-Dísa“, en hún er tilnefnd til íslensku bókmennta-verðlaunanna í barna- og ungmennaflokki.

Ævar Þór Benediktsson kom og las fyrir 3. – 7. bekkina. Hann las úr bókinni „Þín eigin goðsaga“ og kynnti nýtt lestrarátak fyrir 1.-7. bekk sem verður í janúar 2016.

Ragnheiður Eyjólfadóttir og Hildur Knútsdóttir komu svo og lásu fyrir 8. og 9. bekkina á bókasafni skólans úr nýjum bókum sínum sem heita „Skuggasaga: Arftakinn“ og „Vetrarfrí“. „Arftakinn“ hlaut íslensku barnabókaverðlaunin nú í október og „Vetrarfrí“ er tilnefnd til íslensku bókmennta-verðlaunanna í barna- og ungmennaflokki.





Að auki fóru 10. bekkingar með íslenskukennara á Kringlubókasafn að hlusta á upplestur úr nýjum unglingabókum. Höfundarnir sem lásu úr bókum sínum voru Auður Jónsdóttir, Gunna Theodór Eggertsson og Kristín Svava Tómasdóttir

Jólin koma

Það var einu sinni stelpa sem hét Anna. Hún var 10 ára. Hún elskaði jólin. Á aðfangadag var Anna spennt því þá fékk hún gjafir frá öllum. Hún var að gera sig klára fyrir kvöldið þegar hún hellti óvart mjólk yfir sig og á fallega rauða kjólinn sinn. Hún var miður sín og vissi ekki hvað hún átti að gera. Þegar hún hafði hugsað sig um lengi fattaði hún að amma hennar ætlaði að vera hjá henni um jólin og hún var að hvíla sig. Anna þaut inn í herbergi til ömmu sinnar og bað hana um ráð. Amma hennar var fljót að hugsa og sagði að hún ætti að fara og finna rauðan klút, stóra nál og þráð því amma hennar ætlaði að sauma nýjan kjól handa henni. Amman var svolítið lengi að sauma kjólinn en allt bjargaðist, því rétt fyrir sex var eldraður kjóll tilbúinn sem var miklu fallegri en sá sem mjólkinn helltist yfir.

Elísabet Arna Vésteinsdóttir, 5. bekk




Jólaljóð á dönsku

Við höfum verið að vinna með jólaþema í dönsku í 8. bekk. Verkefnið gekk út á að semja jólaljóð á dönsku. Nemendur föndruðu jólakúlur og jólatré og skrifuðu ljóðið á þær og hengdu síðan á tréð. Það var ljóðastund þar sem nemendur lásu upp sitt ljóð fyrir bekkjarfélaga sína. Það var sérstaklega gaman að vinna verkefnið með nemendum í 8. bekk, þeir voru áhugasamir og jákvæðir. Hér eru nokkur ljóð sem voru samin:


Halldór og Hákon Jan 8. HB:

Vi skal spise juleand
drikke julesodavand
gå i et juleland
og sige hej til julemand




Erlingur 8. ASE:

Rød og grønne julens farver
U ngerne glæder sig og
G jærne vil åbne pakkerne
B edst er at spise god mad
R ensdyr takker julemanden og
Ø nskedrøm alle ungerne er at se
D anske julemanden



Arnaldur og Nói 8. HB:

Solen er væk og sneen fælder
nu kommer julen igen
en stor snemand børnene laver
mange børn gå i seng
alle mennesker har det sjovt
nu kommer julen igen
du og jeg er rigtig sej
evigt du bliver min ven




Ásdís 8. ASE:

Julen kommer
ungerne går ud i sneen
Luciaen er valgt,
eller bare den sødeste pige?
Tak til julemanden,
røde lys lyser juletræet!
det er virkelig sjovt om julen
Erla Súsanna Þórisdóttir, dönskukennari

Snjór



Snjórinn sýnir birtu og frið
sækir burt það svarta.
kemur eftir klóka bið
og kætir okkar hjarta.



Kuldinn okkur kveður heim
komum heim í bólið.

Svefninn sækir að þeim tveim
sem koma inn í skjólið.


Elín Katla og Hulda Eir í 7. bekk



Piparkökur

Einu sinni var ég, Eyja og Benjamín
að skreyta piparkökur. Hann Benjamín
gerði Star Wars karl. Hún Eyja gerði
gullfisk. Ég gerði engil. Það var
gaman.

Líf Karlotta Young, 2. bekk



Laufblöð

Laufblöð eru gul, græn, brún, appelsínugul og gul,
fer eftir árstíð.

Laufblöðin falla á haustin en lifna við á vorin.

Elín Phuong My Phang, 9. bekk

Spakmæli mánaðarins:
Lífsvíska er meðal annars fólgin í því
að leiða hjá sér það sem skiptir ekki máli.

Starfsemi Háteigsskóla 17. desember 2015 - 5. janúar 2016

	17. desember	18. desember	21. des.- 1. jan.	4. janúar	5. janúar
1. - 4. bekkur	Viðvera kl. 10:10 – 13:40 Dagskrá í sal kl. 12:20	Viðvera kl. 11:50 – 13:50 Jólatré kl. 13:20	Jólafrí. Halastjarnan verður opin alla virka daga í jólaeyfinu.	Starfsdagur í skóla og Halastjörnu.	Samkvæmt stundatöflu.
5. - 7. bekkur	Viðvera kl. 9:10 – 12:30 Dagskrá í sal kl. 10:30	Viðvera kl. 10 – 12 Jólatré kl. 11:30	Jólafrí.	Starfsdagur.	Samkvæmt stundatöflu.
8. - 10. bekkur	Viðvera kl. 9:30 – 13 Valverkefni	Kl. 8:45 í skóla (9.b. kl. 8:30 í kirkju) Kirkja kl. 9 Jólastund í skóla til kl. 11	Jólafrí.	Starfsdagur.	Samkvæmt stundatöflu.